

# INUIT ATAQATIGIIT

## Inatsisartuni



UPA 2017/51  
Nuuk, 8 majl 2017  
Villy Olsvig

**Naalakkersuisooqatigiit isumaqatigiissutaat naapertorlugu Kujataani Itilliarsuup N 60.614 W45.46.622 ikerasaliorneqarnissaanik Naalakkersuisut suliniuteqarnissaanik peqquneqassasut Inatsisartut aalajangiiffissaattut siunnersuut.**  
(Inatsisartunut ilaasortaq Kelly Berthelsen, Inuit Ataqatigiit)

Siullermik Inuit Ataqatigiit-niit qujaffigerusuppaput siunnersuuteqartoq Kelly Berthelsen siunnersuutanut.

Inuaqatigiit imaatigut sutigut tamatigut angalannermi isumannaannerpaamik minnerungitsumillu piffissamillu atorluaanissaq eqqarsaatigalugu angallaviusinnaasut aaqqiissuteqarfigisinnaanerinut aningaasassaqaarlatalu periarfissiisariaqartariaqarpugut.

Taamaatulli ikerasaliornissani qulakkeeqqaarneqarumaartussat tassaagunarput qanitaani sarfap ingerlaarfiinut qanoq sunniuteqarumaassanersoq taamatuttaarlu imaan uumassusilinnut qanoq sunniuteqarumaassanersoq sukumiisumik qulakkeerniarneqartussaaniassaaq.

Nunatta sineriassuani inuit angallanneranni aqteralaat atorlugit amerlalluinnassagunarput ikerasaqquttarissat ulittarnerup aammalu tinittarnerup kingunerisaannik aqutigisinnaajunnaaneqarallartartut, assersuutigineqarsinnaalluarunarput nunaqarfikuusimasup Nivaap ikerasia aammalumi nunatsinni oqaluttuaaterpassuatta ilaanittoq Tinuteqisaaq, taassumammi ikerasia tinittarnerup ulittarnerullu aamma sunnerneqartarmat.

Mininneqartariaqarunannngilarlu Niaqornaarsuk-suup kangerluisa ilaanni aavarissat il il. aqutigilluartagaat Itilliarsuk, taanna ituinneqartarpooq, pingittooranilu arlaatigut qanoq ili-useqarfigineqarsinnaanerminut periarfissagissaaraluarluni.

Sineriassuarput isorartooq arlalippassuarnik kangerloqassaaq ulittarnermik tinittarnermik imaliunniit ilaatigut itisilerneqalaarnermikkut angallannikkut aqutigiuminarsaanikkut isumannaannerusumik angalanerup ingerlanneqarsinnaaneranut periarfissiisinnaalluartunik.

Siunnersuuteqartullu siunnersuutaa Kujataani Itilliarsuup ikerasaliorneqarnissaanik angallannikkut isumannaatsumik,- sikorsuarnk ajornartorsiuteqartarnerni il. il. oqilisaassinerussaammat minnerungitsumillu umiatsianik angalasunut aammattaaq aningaasanik sipaaruteqarfiusussaassaarpasimmat, siunnersuut Kattaap ikerasaanut tunngasoq isikkoqartilugu Inuit Ataqatigiit-niit taperserparput ataatsimiisitaliamullu susassaqarfimminut aappaas-saaneerneqarnissaa sioqqullugu ingerlatillugu.